



KENYATAAN MEDIA

PENCERAHAN KEPADA TOHMAHAN DI MEDIA SOSIAL OLEH PENGUSAHA AYAM DALAM KAWASAN MAJLIS PERBANDARAN KOTA BHARU BANDARAYA ISLAM(MPKB BRI)

MPKB BRI memberi perhatian serius terhadap siri-siri video di media sosial yang ditularkan oleh seorang pengusaha ayam proses bernama Zukila dan ingin menyangkal dakwaan-dakwaan tersebut melalui fakta-fakta berikut:

1. Bermula dari tahun 2012 sehingga Jun 2020, Jukee Ayam telah menjalankan perniagaan di 6 lokasi premis berasingan dalam kawasan MPKB BRI tanpa memiliki lesen premis perniagaan yang sah iaitu satu kesalahan dibawah Undang-Undang Kecil Pelesenan Tred Perniagaan dan Perindustrian Majlis Perbandaran Kota Bharu Bandaraya Islam(Pindaan) 2019.
2. Premis perniagaan Jukee Ayam tersebut telah dikenakan tindakan kompaun diatas kesalahan yang berterusan iaitu tidak memiliki lesen premis perniagaan dan kesalahan kebersihan.
3. Jukee Ayam tidak diluluskan lesen premis perniagaan pada ketika itu kerana gagal memenuhi syarat-syarat yang dikenakan terhadap premis memproses ayam iaitu aspek kebersihan premis, lokasi, penyediaan tong khas untuk sisa buangan dan kawalan air limbahan.
4. Bagi membantu Jukee Ayam beroperasi secara sah dan mematuhi syarat-syarat yang ditetapkan, pihak majlis telah memanggil pihak Jukee Ayam untuk berunding dan bersetuju untuk mengeluarkan lesen premis(Sementara) tertakluk pihak Jukee Ayam menjelaskan kompaun-kompaun yang tertunggak serta berusaha memenuhi syarat-syarat keperluan pelesenan.
5. Pihak Jukee Ayam telah membayar sejumlah RM 27,060.00 bagi penyelesaian tunggakan kompaun kesalahan tiada lesen, kompaun kesalahan kebersihan, bayaran tong sampah, bayaran maklumat hakmilik serta bayaran lesen.
6. Pada Julai 2020, 6 premis Jukee Ayam diluluskan lesen premis perniagaan(Sementara) selama 6 bulan bagi memastikan pematuhan berterusan terhadap syarat-syarat yang ditetapkan.
7. Permohonan pembaharuan lesen (sementara) Jukee Ayam diluluskan terhadap 4 premis sahaja, 2 premis lagi tidak dapat dipertimbangkan kerana faktor lokasi yang tidak sesuai. Lesen premis (sementara) disambung untuk tempoh Mei 2021 sehingga November 2021(6 Bulan)
8. Oktober 2021 Pihak Majlis tidak lagi menyambung atau meluluskan lesen kepada semua premis Jukee Ayam diatas kegagalan pengusaha mematuhi kesemua syarat-syarat yang telah ditetapkan setelah sekali pembaharuan lesen dipertimbangkan dan atas dasar percubaan.

Pihak MPKB BRI amat kesal dengan kenyataan-kenyataan palsu secara berterusan yang dibuat bagi mengelirukan persepsi masyarakat oleh Zukila melalui media sosial terhadap institusi Kerajaan Negeri, Ahli Politik dan Pegawai Majlis Perbandaran Kota Bharu Bandar Raya Islam.

Pihak Zukila dinasihatkan membuat laporan terus kepada pihak berkuasa yang berkenaan sekiranya merasakan terdapat aktiviti tidak berintegriti dan salah guna kuasa dilakukan oleh pegawai-pegawai Majlis.

Adalah diingatkan pihak MPKB BRI tidak akan teragak-agak untuk memulakan tindakan perundangan terhadap pihak Zukila atas perlakuan memfitnah serta menghasut masyarakat dengan dakwaan palsu dan tidak beretika.

Sekian,

ROSNAZLI BIN HAJI AMIN
YANG DIPERTUA
MAJLIS PERBANDARAN KOTA BHARU BANDARAYA ISLAM
26 OKTOBER 2022